

ՊԱՇՏՈՆԱԿԱՆ ԸՆԴԴԻՍԱՆՈՒՄ ԿԱՐԾԻՔ

Սարգիս Արմենի Արմենակյանի՝ «Հոռմեական իրավունքի ռեցեպցիան և նրա դերն ու նշանակությունը եվրոպական իրավունքի ձևավորման և էվոլյուցիոն զարգացման համար» վերտառությամբ ԺԲ 00.01 (Պետության և իրավունքի տեսություն և պատմություն, պետական և իրավական ուսմունքների պատմություն) մասնագիտությամբ իրավաբանական գիտությունների թեկնածուի գիտական աստիճանի հայցման համար ներկայացված ատենախոսության վերաբերյալ

Հոռմեացի իրավաբանները ստեղծել են հոռմեական իրավունքի գիտությունը. գիտություն, որի ուսումնասիրությունը հարյուրամյակների պատմություն ունի: Այն մարդկության պատմության մեջ առաջին իրավական գիտությունն էր աշխարհիկ իրավունքի վերացական նորմերով: Հոռմեացի իրավաբանների ժառանգությունը շարունակում է ակտիվորեն օգտագործվել ժամանակակից հասարակության մեջ: Ռեցեպցիայի միջոցով հոռմեական իրավունքն ինչպես միջնորդավորված, այնպես էլ անմիջականորեն ազդել և ազդում է օրենսդրության և իրավական գիտության զարգացման վրա: Դրա ազդեցությունը կարելի է տեսնել իրավունքի տարբեր ճյուղերում՝ քրեականից իրավունքից մինչև քաղաքացիական: Հոռմեական իրավունքի եզրութաբանությունը, հիմնարար սկզբունքներն իրենց ամրագրում են գտել աշխարհի տարբեր իրավական համակարգերում:

Ուստի օրինաչափ է, որ ժամանակակից իրավաբանական միտքը դեռևս չի կորցրել իր գիտական հետաքրքրությունը հոռմեական իրավունքի նկատմամբ: Դա պայմանավորված է նաև եվրոպական մի շարք ետևներում սոցիալիստական հասարակարգից ազատ շուկայական հարաբերությունների անցումով: Խոսքը Արևելյան Եվրոպայի և Նախկին ԽՍՀՄ երկրների մասին է: Այս համատեքստում արգիական են դառնում իրավունքում մասնավոր և հանրային սկզբունքների դերի և տեղի մասին պատկերացումները, որոնց հիմքերը դրվել են հոռմեական իրավունքում:

Հայաստանի Հանրապետությունում հոռմեական իրավունքի նշանակության գիտակցմանը ևս պետք է խթանել, ինչն առաջին հերթին պայմանավորված է այն հանգամանքով, որ մենք նույնպես, ինչպես Նախկին ԽՍՀՄ երկրները, պլանային տնտեսական մեխանիզմներից անցում ենք կատարել ազատ շուկայական հարաբերությունների: Շուկայական հարաբերություններն անմիջականորեն կապված են հոռմեական իրավունքի հետ.

որտեղ կենտրոնական տեղ է գրավում սեփականության իրավունքի մասին ուսմունքը: Հոռմեական իրավունքի դրույթները հարստացրել են ՀՀ քաղաքացիական օրենսգիրքը ոչ միայն սեփականության և այլ իրային իրավունքների, այլև պարտավորական և ժառանգական իրավահարաբերությունների կարգավորման տեսանկյունից:

Հոռմեական իրավունքի ուսումնասիրման արդիականությունը, սակայն, չի սահմանափակվում միայն շուկայական հարաբերությունների կարգավորման կիրառական նշանակությամբ: Իրավունքի տեսությունը հետազոտում է հոռմեական իրավունքի սկզբունքներն ու կառուցակարգերը՝ բացահայտելու և ընդհանրացնելու իրավական համակարգերի զարգացման օրինաչափությունները, ինչը թույլ է կտա կանխատեսելու իրավական համակարգում հոռմեական իրավունքի ինտեգրատիվ գործառնությունը:

Իրավագիտության համար առանձնահատուկ նշանակություն ունի հոռմեական իրավունքի ռեցեպցիայի խնդիրների ուսումնասիրությունը: Հոռմեական իրավունքի ռեցեպցիան իրավական երևույթ է, որը հանգեցրել է իրավունքի համաշխարհային չափանիշների ձևավորմանը և ժամանակակից իրավական տեսության ձևավորմանը:

Այսպիսով, եթե ընդհանրացնելու լինեք, առա կարող եք առձանագրել, որ վերը նշված դիտանկյունից մարդիս կրմննակյանի կողմից իրավաբանական գիտությունների թեկնածուի գիտական աստիճանի հալցման համար ընտրված առնեախոսության թեմայի արդիականությունը կասկած չի հարուցում:

Ատենախոսությունը հետապնդել է հոռմեական իրավունքի ռեցեպցիայի բովանդակության համայիր բացահայտման միջոցով ռա տեսական և կրրառական նշանակությունը եվրոպական իրավունքի և իրավագիտության տեսական և կիրառական նշանակությունը միջնադարյան եվրոպայում և հետագա ժամանակներում ներկայացնելու նպատակ: Այս նպատակի իրացման համար հեղինակի կողմից ցնարկման առարկա են դարձել այնպիսի խնդիրներ, ինչպիսիք են հոռմեական իրավունքի ռեցեպցիայի էությունն ու նշանակությունն իրավունքի և իրավագիտության զարգացման խնդրում բացահայտելը, հոռմեական իրավունքի ազդեցության հիմնական ուղղությունները և սահմանները եվրոպական ընդհանուր իրավունքի բովանդակության և հայեցակարգային մոտեցումների վրա բնութագրելը, հոռմեական իրավունքի արդիական նշանակությունն իրավունքի և իրավագիտության հետագա զարգացման խնդրում:

Հեղինակի գիտական ձեռքբերումներից կարելի է համարել այն, որ մայրցամաքային ընդհանուր իրավունքի ձևավորման տեսանկյունից հոռմեական իրավունքի ոնցեպցիայի հետ կապված հիմնախնդիրները դիտարկվել են ավանդական և արդի մոտեցումների համատեքստում՝ որպես մեթոդաբանական ուղի, որի միջոցով փորձ է արվել բացահայտել հոռմեական իրավունքի գիտության արդիականության և զրա ընկալման նոր առումները:

Ատենախոսության հիմքում դրված են մայրենի լեզվով և հատկապես՝ օտարալեզու մասնագիտական աղբյուրներ, ինչը հնարավորություն է տվել հեղինակին առավել համալիր անդրադառնալու խնդրո առարկա հարցադրումներին, առանձնացնելու առավել հիմնավորված մոտեցումները և դրանց համակողմանի վերլուծության արդյունքներով առաջադրել համարժեք եզրահանգումներ: Ատենախոսությունը ծավալային և ձևավորման տեսանկյունից կազմված է սահմանված չափանիշներին համապատասխան:

Ատենախոսությունը գրված է ընդունելի գիտական ու հստակ լեզվաոճով, այլ հեղինակների կարծիքներին անդրադարձը ևս համապատասխանում է ընդունված չափանիշներին: Ատենախոսությունում հեղինակը ցուցաբերել է հետազոտություն կատարելու, տեսական աղբյուրներից և նյութերից օգտվելու համարժեք ընդունակություններ:

Ախժամանակ, ինչպես ցանկացած աշխատանք, այս հետազոտությունը նույնպես զերծ չէ թերություններից, որոնք, ընդհանուր առմամբ, հանգում են հետևյալին.

1. Հետազոտողն ատենախոսության մեջ առաջադրել է հետևյալ խնդիրները՝ բացահայտել հոռմեական իրավունքի ոնցեպցիայի էությունն ու նշանակությունն իրավունքի և իրավագիտության զարգացման խնդրում, բնութագրել հոռմեական իրավունքի ազդեցության հիմնական ուղղությունները և սահմանները եվրոպական ընդհանուր իրավունքի բովանդակության և հայեցակարգային մոտեցումների վրա, հետազոտել հոռմեական իրավունքի ոնցեպցիայի առանձնահատկությունները միջնադարյան եվրոպայի պարմական զարգացման փարբեր փուլերում, միջնադարի (XI-XIII դարեր), Վերածննդի, հումանիզմի, Ռեֆորմացիայի, Լուսավորության, Նոր և Նորագույն ժամանակաշրջաններում, ներկայացնել հոռմեական իրավունքի արդիական նշանակությունն իրավունքի և իրավագիտության հետազա զարգացման խնդրում:

Այնուհետև, ըստ առաջադրված խնդիրների՝ ատենախոսության առաջին գլխի 1.1 պարագրաֆը նվիրել է եվրոպական ընդհանուր իրավունքի վերլուծության մեթոդաբանական

և իրավական նախադրյալներին, որի շրջանակներում անդրադարձ է կատարել նաև «իրավունքի համակարգ», «իրավական համակարգ» և «իրավապաշտպան համակարգ» կատեգորիաներին: Մեր կարծիքով, այդ կատեգորիաներն ատենախոսության մեջ անհարկի են դիտարկվել, քանի որ, նախ, անդրադարձը եղել է նկարագրական բնույթի, և երկրորդ՝ դրանց անդրադարձը բնավ չէր կարող լուծել ատենախոսի կողմից առաջ քաշված խնդիրները: Այլ խոսքով՝ հեղինակը պետք է պահպաներ գիտական հետազոտության իրականացման կանոնները և 1-ին գլխի 1.1 պարագրաֆում սահմանափակվեր միայն մեթոդաբանական և իրավական նախադրյալներին վերաբերող հարցադրումներով:

2. Բացառությամբ ատենախոսության երկրորդ գլխի 2.4. պարագրաֆի, որը նվիրվել է ազգային իրավունքի կատարելագործման խնդրում հոռմեական իրավունքի և իրավագիտության ժամանակակից նշանակությանը և դերին, որում անդրադարձ է կատարվել նաև այն հարցադրմանը, թե հոռմեական իրավունքն ինչ ազդեցություն է ունեցել հայրենական քաղաքացիական օրենսդրության վրա, մյուս պարագրաֆները խիստ պատմական են: Ըստ հետազոտության օբյեկտի առարկայի, առաջադրված խնդիրների և նպատակի արդարացված կլինեն, եթե փորձ արվեր առավել թիրախային ցույց տալ հոռմեական իրավունքի ազդեցությունը, դերն ու նշանակությունն իրավունքի և իրավագիտության կատեգորիալ ապարատի ձևավորման և զարգացման գործում: Այլ խոսքով՝ հետազոտությունն առավել կշահեր, եթե հետազոտության նպատակը կենսագործվեր առանձին իրավական ինստիտուտների համատեքստում:

3. Ատենախոսը որպես պաշտպանության ներակա դրույթ է ներկայացրել այն, որ. *«Աշխատանքում հսկակորեն առանձնացվել են ռեցեպցիայի հնդկալոկալ եղանակները՝ կամովին ռեցեպցիա և ռեցեպցիայի ոչ կամովին տեսակները [...]»* (մեջբերման ավարտ):

Այս տեսանկյունից, սակայն, պետք է արձանագրել, որ ռեցեպցիայի կամովին և ոչ կամովին տեսակների մասին ավելի վաղ խոսել է Ս.Կ. Տկաչենկոն՝ Ատենախոսը, այնուհետ, շարունակելով դրույթը, գրել է. *«Մեծ հեղաքրքրություն է ներկայացնում ռեցեպցիայի կամովին եղանակը, որը հատուկ նշանակություն ունի հոռմեական իրավունքի ներգործության*

պարճառների, կառուցակարգի ու արդյունքների բացահայտման համար: Ռեցեպցիան ի հայտ է գալիս սովորաբար պեմբաիրավական ինստիտուտների ճգնաժամերի ժամանակ ու կայանում է օտարերկրյա իրավունքի իրավական նորմերի, ինստիտուտների կամավիճակն օգտագործման մէջ՝ գաղափարական, սոցիալ-տնտեսական և քաղաքական պայմաններով» (մնջքերման ավարտ): Այս առումով պարզ չէ, թե այդ դեպքում ինչում է դրսևորվում առեմախոսի կողմից առաջ քաշվող դրույթի նորույթը՝ ի համեմատույթուն մինչև այդ իրավաբանական դոկտրինում քննարկվածի:

Վերոնշված դիտողութունները, այնուամենայնիվ, չեն արժեգրկում առեմախոսութայն գիտական արժանիքը:

Վերոնշյալի հաշվառմամբ՝ Սարգիս Արմենի Արմենայանի՝ իրավաբանական գիտութունների թեկնածուի գիտական աստիճանի հայցման համար ներկայացրած «Հոմեական իրավունքի ռեցեպցիան և նրա դերն ու նշանակութունը եվրոպական իրավունքի ծևավորման և էվոլուցիոն զարգացման համար» թեմայով թեկնածուական առեմախոսութունը համապատասխանում է «Հայաստանի Հանրապետութունում գիտական աստիճանների շնորհման կարգը և չափանիշները հաստատելու մասին» Հայաստանի Հանրապետութայն կառավարութայն 1997թ. օգոստոսի 8-ր թիվ 327 որոշման պահանջներին, իսկ հեղինակն արժանի է ԺԲ.00.01 «Պետութայն և իրավունքի տեսութայն ու պատմութայն, պետական և իրավական ուսմունքների պատմութայն» մասնագիտութամբ իրավաբանական գիտութունների թեկնածուի գիտական աստիճանին:

ԵՊՀ պետութայն և իրավունքի տեսութայն ու պատմութայն ամբիոնի ասիստետ, իրավաբանական գիտութունների թեկնածու

Կ.Ս. ԱՍԻՐՅԱՆ

ԵՊՀ գիտական քարտուղար



Մ. Վ. ՀՈՎԱՆՆԻՍՅԱՆ

20 նոյեմբերի, 2023թ.